



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

Articulus VI. De electione communi, seu solenni.

[urn:nbn:de:hbz:466:1-73031](#)

servare non possint formam scrutinij ; 3. etiam consuetudo legitimè introducta in quibusdam Ecclesijs Germaniæ.

1908. Not. 2. hanc formam , juxta Imolam in cit. c. 42. nu. 3. & alios , servandam esse etiam in electione *Abbatum* ; 2. in electionibus *Prælatorum in Ecclesijs Collegiatiss* , qui in illis habent jurisdictionem generalē ; item in electionibus *Prælatorum regularium* , v. g. Priorum , Guardianorum , & similiū , juxta gloss. 1. hic & Abbatem à nu. 7. nec in his quidquam derogatum esse à Tridentino *sess. 25. de Regularib[us]* , c. 6. secundum Azor p. 1. l. 13. c. 10. q. 3. non autem in electionibus inferiorum , quorum obitū , vel depositione officij , non viduatur Ecclesia , ut ex pluribus notat Barbosa in cit. c. 42. nu. 7. nam textus solum loquitur de electione , qua prævidendum est Ecclesia viduata .

1909. Sed circa hanc formatam in c. quia propter præscriptam , in alijs quoque Ecclesijs , præsertim Regularibus observandam , non æquæ convenientiū Auctores . Nam post Tridentinum supra relatum , censent aliqui , hodiē sufficere , quod vota sint secreta ex dispositione prædicti decreti absque alia forma ; sic enim affirmat Miranda , in Manual. Prælat. tom. 2. q. 23. a. 15. afferens , dispositionem textus in c. quia propter de elect. modò sublatam esse per Concilium in præsenti : ac rectius negat Azor cit. Zerola in præxi Episcoporum p. 1. V. Abbatissas , §. 6. & complures alij apud Barbosam in cit. loc. Trid. nu. 18. ex hoc enim , quod Concilium dicat , omnes electiones Regularium debere fieri per vota secreta , non tollit formam cap. quia propter ; sed solum ordinat , qualiter deinceps vota danda sint . Quare omnino etiam in his servanda est ; nisi adsit una ex causis excusantibus , de quibus n. 1907.

1910. Not. 3. ad ea verba Tridentini (per vota secreta ita , ut singulorum eligentium nomina nunquam publicentur) discordare Doctores in assignandis casibus , quibus contingat , Electorum nomina non manere secreta , & consequenter irritō , ac nulliter electionem celebrari . Quidam enim volunt (ut videri potest apud Barbosam cit.) non officere , quod sciatur suffragium unius , vel alterius , sive fiat per malitiam , sive per errorem ; sed requiri , palam fieri majorem partem de nominibus Electo-

rum : sed obstare videtur textus : *singulorum* ; & ideo alij censent hoc decreto caveri , & obstringi tam Electores , quam scrutatores , ac demum omnes , qui dant , & recipiunt secerò suffragia , ne permittant aliquid fieri , ex quo publicari possint nomina eligentium (& probabiliū , etiam unius) & si tale quid factum fuerit , electionem non valere ; sic Frater Emanuel Q. Regul. tom. 2. q. 52. a. 9. Nam id , quod Concilium cavere voluit , est satis commune periculum gravium malorum , sèpe nascentium ex notitia , quis consenserit , quis non consenserit in talem personam .

Censet autem Navarr. de elect. in edit. nov. consil. 9. electionem per secreta suffragia postulari , vi hujus decreti , solum , quando fit per scrutinium ; non autem si per compromissum ; & in eo casu adeò stricte hoc decretum esse intelligendum , ut si post electionem factam in Bullis confirmationis , seu patentibus exprimerentur nomina eligentium , electio esset nulla , refert decisum Castellinus de elect. c. 4. nu. 6. 1. & quidem semper , etiam electione confirmata , ut liquet ex textu ; ibi : eligentium nomina nunquam publicentur .

ARTICULUS VI.

De electione communi , seu solenni.

Notandum , scrutinium , seu suffragia 1911: electionem eligentium coram scrutatoribus , esse quidem electionem , sed in privato ; nam ab hac primum fit suffragiorum collatio , & ista debite finitam , fit electio in publico , per publicationem , & acceptationem , quæ vocatur *electio communis* , Capitularis , & solennis , prout sumitur ex sepe cit. c. quia propter , & observat Streinius p. 1. jur. Can. tit. 6. §. 2. nu. 3. & in c. 55. h. t. & §. fin. c. 42. eod. reprobatur electio non communis , seu clandestina , per quam intelligitur ea , ut notat gloss. fin. in loc. cit. quæ nondum est publicata in Capitulo ; & nisi mox publicetur , non valet . 2. etiam illa , quæ fit clandestina , & in conventiculis , hec tamen , si non publicetur , non vitiatur , nisi Electores de ipsa non publicanda convenerint . Not. 2. si scrutatores publicationem scrutinij , seu electionis privatæ de quacunque causa differeo vel-

913. vellent, quemlibet de Capitulo, maximè , qui se electum esse confidit, contradicere , aut item intentare posse ; *Trid. sess. 25. c. 6. Strenius cit. quibus positis :*

Quæstio est, quid petat hæc communis electio ? Resp. ut, ubi post suffragiorum collationem apparet, in quem major, & senior pars, tamquam dignum consensit, formetur *decretum electionis*, quod omnium nomine, ab uno, vel eo, qui præf. Capitulo, vel qui primam in eo voce habet, aut ab illo, qui ad hoc deputatus est, publicè promulgetur, ut dicitur, c. *quia propter*, ibi : *is collatione habita eligatur, in quem omnes, vel major pars Capituli consenserit.* Et hoc decretum communis electionis requiritur in electionibus Prælatorum Ecclesiasticorum, in quibus necessariò servari debet forma eligendi prescrita in c. *quia propter, de elect.* in alijs autem Capitularibus electionibus ad inferiores dignitates, & beneficia, sufficit, si singuli Capitulares consensum præsent, si id habeat legitima consuetudo : secus procedendum erit juxta dicta *nu. 1908.* qualiter autem formandum, & promulgandunitur ? V. apud Pirhing *b. t. a. n. 186.* & tradit Layman in c. 42. *b. s. nu. 9.* sub hac forma : *Ego N. nomine meo, & aliorum diligentiam, misericordia consentientium, invocata S. Spiritus gratia, in Episcopum, aut in Abbatem, &c. huic Ecclesie N. eligo, & electum pronuntio, & coram vobis publico, in nomine Patris, & Filii, & Spiritus sancti, Amen.*

914. Not. 3. decretum illud, ubi requiritur, statim, & in continenti, à collatione suffragiorum, formari, ac publicari debere ; alias electionem esse irritam declarandam, c. *cum post petitam, 46. de elect.* ubi Pontifex electo Lugdunensi rescribens, quia tandem, inquit, examinato (sic uictu) processu electionis tuæ, invenimus eam post publicationem consensuum, & collationis tractatum, aliquamdiu fuisse protractam, assensum tuum prius, quam electus fueris, requisitum : electionem eandem (ex ipsius duntaxat inordinato processu) justitia cassavimus exigente. Dixi, irrita declaranda ; nam esto in c. *quia propter*, electio aliter facta non valeat, non est tametis sensus, quod ipso iure sit irrita, & nullo modo subsistat, sic, ut nec naturalis obligationis effectus sequatur :

Tom. I.

sed, licet jure naturali subsistat (quia adest majoris partis consensus) non subsistat tamen jure positivo. Ex hoc collig. 1. ad formam substantialem processus electionis spectare, ut post collationem suffragiorum, & publicationem scrutinij, eodem contextu electionis decretum fiat, & publicetur, gloss. *in cit. c. post petitam, V. protractam*; excipe, nisi aliud postulet necessitas naturalis, ut si uno contextu, propter copiam diligentium, fieri non posset, ac cibus, aut somnus capiendus foret.

Collig. 2. si post publicationem scrutinij, & tractatum collationis, ante electionem communem consensus electi absolute requiratur, dici electionem communem non esse factam *eodem contextu*; scilicet, si solum peterent, an consentire vellet, si communiter eligeretur; sic Pirhing de elect. n. 188. §. not. 2. & seq. & habetur ex cit. c. 46. ibi : *quia invenimus assensum tuum prius, quam electus fueris (nimis electione coiuncti) requisitum.* Si autem post suffragiorum collationem electo, vel Electoribus objiciatur aliquis defectus, & appetetur ad Superiorem, nec ulterius procedatur ; procedi potest nihilominus ad communem electionem, etiam si reson liquida, sed dubia sit ; quia Capitulares non possunt de illo defectu judicialiter cognoscere : si tamen deinde cognoscatur justa de causa fuisse appellatum, electione tescindi debet ; de quo plura *in seqq.*

1915:

ARTICULUS VII.

De libertate electionis.

1916. Inter ea, quæ publicatio scrutinij possunt opponi electo, electione privata, esse potest, quod non sit permissa libertas in Electoribus requisita, in electione tamen communis, quam privata ; pro qua not. 1. consuetudinem contrariam libertati in electione Prælati Ecclesie vacantis, non valeat, ut dicitur c. *cum terra, de elect.* nec illath, per quam tolluntur ea, quæ ad substantiam actus pertinent, arg. c. 2. *de consuetudine in 6.* Hinc jure eligendi, penes Capitulum manente, non valet consuetudo, ut electio sic perdeat ab arbitrio alterius ; ut in hujus potestate sit, electum admittere, vel rejicere, c. *cum terra, cit. ubi reprobatur à Coelestino III. tanquam redun-*

Gg 2 dans